

光緒順天府志

京師志
圖
城池
奏摺
職名
序
目錄

百	而	危
卅	府	緒
齋	志	渥

光緒甲申仲
冬開雕丙戌
季夏畢工

臣萬青藜 臣周家楣跪

奏爲設局纂修順天府志仰祈

聖鑒事竊查同治十年十二月直隸總督臣李鴻章恭摺具

奏於保定省城設立志局重修畿輔通志奉

旨允准在案現在通志將次告成必得順天府志纂有專書方能採輯以弁志首查順天府志自前明萬厯癸巳年府尹謝杰等修輯後迄今並未續修文獻無徵曷以信今傳後臣等屢思重輯以順天素無款項經費難籌未敢率行開局茲與督臣商定量飲公費臣等擬擇賃公所作為順天府志局分類纂修期於酌古準今鮮致遺濫延請實學官紳分司纂輯由臣等悉心校閱覈定體裁嚴立限程尅期歲事庶首善之地興除沿革綱舉目張信而有徵足資考

順天府志 奏摺

證而畿輔通志亦得早日告竣仰副我

皇上體國經野稽古右文之治所有采訪編輯章程及需用經費臣等隨時酌覈籌商辦理謹會同大學士直隸總督臣

李鴻章恭摺奏

聞伏乞

皇太后

皇上聖鑒謹

奏 光緒五年四月二十四日具奏本日奉旨知道了欽此

臣畢道遠臣周家楣跪

奏爲順天志書稿本告成現經開雕定限竣事恭摺仰祈

聖鑒事竊照光緒五年四月二十四日由前兼管順天府尹萬

青藜暨府尹臣周家楣會同直隸總督臣李鴻章奏陳設

局纂修順天府志等因一摺奉

旨知道了欽此遵卽設局開辦遴委直隸候補知府任期曼提

調局務嗣經臣家楣以禮去官經歷任兼尹府尹接續辦

理至臣道遠臣家楣同日奉

命任事查核志稿已具十之二三府志凡例本由前兼尹萬青

藜暨臣家楣商請現任兩廣總督張之洞酌定體例門類

並經張之洞允臣家楣於志稿輯齊後爲之畫一訂定所

分門類當經延請內閣中書鮑恩綬翰林院編修繆荃孫

順天府志 奏摺

二

廖廷相朱一新陳壽兵科給事中洪良品掌貴州道監察

御史劉恩溥兵部郎中傅雲龍禮部主事詹鴻謨兵部主

事潘通國子監學正蔡賡年江蘇候補知縣羊復禮等分

任纂修暑度卷則由翰林院庶吉士汪鳳藻兵部郎中席

淦司務陳壽田胡玉麟合修旋因張之洞巡撫山西舉編

修繆荃孫接替總纂數年以來經各分纂總纂編輯成書

計得一百三十卷現在稿本一律告竣自本年二月初一

日起開雕限本年七月間竣事事竣再行敬謹奏

聞理合會同大學士直隸總督臣李鴻章恭摺具陳伏乞

皇太后

皇上聖鑒謹

奏 光緒十一年三月二十五日具奏本日奉

旨知道了欽此

順天府志

奏摺

三

監修

文華殿大學士直隸總督一等伯爵 臣李鴻章

吏部尙書兼管順天府尹 臣萬青藜

都察院左都御史兼管順天府尹 臣童華

禮部尙書兼管順天府尹 臣畢道遠

湖北巡撫前順天府府尹 臣彭祖賢

江甯布政使司布政使前順天府府尹 臣梁肇煌

雲南巡撫前署順天府府尹 臣張凱嵩

前順天府府尹 臣李朝儀

倉場侍郎前順天府府尹 臣游百川

總裁

署吏部左侍郎通政使司通政使前順天府府尹 臣周家楣

順天府志 職名

內閣學士兼禮部侍郎銜前順天府府尹 臣沈秉成

順天府府尹 臣薛福辰

總纂

兩廣總督 臣張之洞

翰林院編修 臣繆荃孫

分纂

內閣中書 臣鮑恩綬

翰林院編修 臣廖廷相

翰林院編修 臣陳翥

翰林院編修 臣汪鳳藻

吏部科給事中 臣劉恩溥

戶部科給事中 臣洪良品

陝西道監察御史臣朱一新

禮部主事臣詹鴻謨

兵部郎中臣傅雲龍

兵部郎中臣席淦

兵部主事臣潘適

國子監學錄臣蔡賡年

候選部寺司務臣胡玉麟

候選部寺司務臣陳壽田

江蘇候補同知臣羊復禮

校訂

翰林院編修臣吳祖椿

刑部主事臣方孝傑

順天府志

職名

二

江蘇歲貢生臣管禮耕

江蘇舉人臣屠寄

國子監肄業生臣傅范初

校刻

吏部主事臣仇汝顯

刑部主事臣喬樹枏

光祿寺署正臣姚凱元

江蘇附貢生臣李時暘

經理

直隸候補知府臣任期曼

直隸候補知縣臣馮瑋

直隸候補直隸州州判臣吉守善

順天府經歷 臣 范思本

直隸候補知縣 臣 張振期

候選州判 臣 勞錫田

國史館謄錄 臣 李棣林

采訪

刑部主事 臣 周志靖

候選鹽大使 臣 周志恭

宛平縣丞 臣 莊佩蘭

直隸候補縣主簿 臣 戴應泰

繪圖

候選縣丞 臣 趙宏

序

光緒十一年順天府志成府尹沈君書來問序我

朝因明制順天爲京師而直隸專置總督則兩漢司隸校尉部三輔河南唐京畿採訪使領京兆之遺制也鴻章其敢辭謹按周小史掌邦國之志鄭司農謂爲周志外史掌四方之志鄭注謂若晉之乘魯之春秋王朝之志先於列國舊矣前代志順天者僅有謝杰沈應文之書草創荒畧

皇朝宅京垂三百年文軌大同天下郡縣皆有志而京府尙闕非所以昭首善也今湖北巡撫彭侍郎爲尹時與兼尹德化萬尙書始議創修侍郎遷去今通政使周君莅任與尙書及鴻章奏明開局凡八年而書成一代之舊式四方之和會可得而述也勃碣之間古爲都會至遼金而後正帝王之名至元明而後成一統之

順天府志序

志元有天下之日淺明則京師已爲近邊故論都者以爲有堂皇而無室奧洪惟我

大清之受命也積

功累

仁縣歷奕世迺

光宅乎中夏遷岐邇作豐鎬開國之遠同符於成周內外蒙古世爲臣僕兩藏通新疆平曩代都護校尉所治一齊以灋如郡縣吏幅員之長過於建元開元昔之論形勢者以河洛爲天下之中今則當以

京師爲天下之中北度大漠南絕大海東起

龍興之舊都下臨遼瀋而撫屬國西開玉門陽關直達於天山遠數萬里近數千里四維雄張以環擁

京師

京師當南北之中而近於東易繫辭帝出乎震太史公封禪書東方神明之舍而中國之山川皆自西而東猶朝宗而拱極也往者多疑四海之說今則環地數大洲漢唐元所未到者輶軒之使冠帶之倫出自

闕廷如履門闕而環列大小十數國或自達或附屬皆能通名於上都以爲中國

天子之居仙宸帝所以必得至爲榮異所謂聲教訖於四海也所謂天覆地載莫不尊親也偉矣哉三代以來未有開闢廣遠如斯之盛者也若夫攷其封域則禹貢冀州之都而在昔軒轅氏之所宅也

文謨

順天府志序

二

武烈

神

聖繼承制度典則燦然大備則周官王制之精意也著臺省之故事采閭里之風俗則立政之篇二南之詩固非衛宏舊儀趙岐決錄所得而擬也

紫宮朱堂鈞臺靈囿神明之觀事實乎上林名正乎甘泉則三輔黃圖洛陽宮殿簿諸書無所侈其靡麗也至於問山川之形勝究土地之所宜松亭之關軍都之塞昔之邊防久爲內地而水利營田轉漕海運磊落數大事昭明乎簡冊則近代二顧之書所爲紀險要而極利病者由今觀之皆陳迹也昔之志京府者獨推有宋乾咸二志南渡偏隅周權具臣豈若今日際殷武之中興大

堯典之四宅卿尹登揚以佐

揆文奮武之治侍郎方帥鄂爲時重臣通政之爲尹也百廢具舉
比迹於趙張今沈君又以

特召入尹而兼總理衙門大臣於近今爲要任聲施之耀正未有
期鴻章久忝畿輔頃監修通志畢復喜見斯志之成因爲述其緣
起至其體例之善文采之美則九能三長授簡綴辭極天下之選
以成一代之書信今傳後無疑也光緒十一年七月合肥李鴻章

序

洪惟

聖清畫一區宇包舉遐邇四海九有悉主悉臣疆域之廣古所未有於是

大清一統志由是各行省以及郡廳州縣各有專志爛焉大備矣惟順天府爲

天子建都之地邦畿千里實稱首善宜必有志而缺焉未修每以爲憾家楣通籍後備官京僚道咸以前未聞有無建議修志之舉近聞吳春帆中丞張霽亭彭芍庭兩侍郎官京兆尹均經謀議及此家楣身居局外未得其詳光緒四年秋七月奉

命尹順天乃踵彭侍郎之後遂叩其端倪詢其要領則奏稿已具而未之上時兼尹爲尙書萬文敏師已請今兩廣總督張香濤制

順天府志序

軍創條例聘訂諸賢修纂侍郎刻意興辦力購書籍備長編之用並經商請相國合肥李公籌款九千金侍郎方屏藩豫章臨歧殷然相屬期成厥功家楣於是商之文敏師適相國來

朝擬設局開辦而斯志之難有非一端所可盡者尤以其事創而非因明萬厯有志簡率未備且距今數百年矣侍郎得天府廣記抄本亦非全書文敏師謂前兼尹府尹厯有賢能矣而志未及修其難可見我兩人不及修則與諸公同受因循之誚耳我兩人修之不易成成焉而非志之善者則獨受謏陋之譏矣家楣曰以師久任京畿夙領史館而得相國李公之任其資香濤太史爲之例爲山之基奚止一簣今而不修後將更難我師與弟與其同誚因循固不若獨譏謏陋也師曰汝志卽吾志子其勉爲之五年四月二十四日以修志事上陳得

旨俞允而家楣以母喪去官接任者爲今江甯布政使梁檀浦前輩蓋已再任矣定期開局以任綬青太守駐局經理家楣奉母櫬居觀音院萬文敏師及檀浦前輩香濤制軍時詣商修志事宜制軍允於各門纂齊後爲之畫一釐訂而以總纂事由繆小山太史代之各門分纂咸一時名儒碩彥按卷計程悉本制軍手定凡例爲準自家楣旋里後經文敏師檀浦前輩及兼尹童薇研前輩厯任府尹李藻舟京兆張月卿中丞游會東倉帥相繼修舉並以原籌經費不敷由童游兩公商之相國李公續籌六千金以應光緒八年春正畢東阿師由倉帥升授總憲任兼尹家楣再任京尹同日奉

命既視事知書之已纂者得三之一時香濤制軍由閣學奉

命巡撫山西封圻事繁先允畫一之舉恐無以及家楣惴惴焉慮

順天府志序

二

弗獲成往商則曰得公再任京兆得小山主總纂事事無不成成書必不至謏陋也方家楣之在里居也小山太史書來論志事謂攷古難矣證今尤難蓋采訪諸端一字未確一節未稔往往擱筆至是乃條徵件采書牘並發舟車踵接日下耆舊敦請攷證務盡所能其日久無應及訪證弗獲者仍其闕纂輯既齊繼以校讐至十一年春始以志書有成由東阿師及家楣會相國具奏以

聞而今府尹沈仲復前輩抵任時以經費久絀家楣任內相國所籌之款已盡凡順天存公之款並經移支數千金而刊刻方半印訂工資及數月局用又以不支於是前輩又商之相國續籌經費家楣亦上書言之復得四千金以既其事蓋籌款之難如彼成書之難如此宜此志之前未有著及頻謀頻輟以至於今也豈果因循哉今書刊印告成相國及前輩各有弁言喬皇壯麗足以爲斯

志光而家楣自愧不文惟於其事籌畫終始閱歷甘苦於今亦不能無言也至於書之闕者待補其諸政之在修書後者後之君子詳攷而續輯焉以期文獻常存翊成我

國家文治之隆是則家楣蘊結願望之誠固有與天地無窮者矣
時光緒十有一年十二月朔署吏部左侍郎通政使司通政使前
順天府府尹周家楣撰

序

光緒十一年春秉成以

特召入尹順天適府志垂成所未成者坊巷數門因踵成之而爲之序曰順天之爲帝京始遼然夏禹冀州之都卽今順天也周小史掌邦國之志鄭司農謂爲周志是京府之志之權輿燕京志析津志佚矣明洪武北平圖經其書亦佚僅見之永樂大典卷八千四百二十平字韵文淵閣書目暑字號北平圖志或卽一書又載舊志二冊又往字號載順天府新志一冊書皆不傳傳者萬厯間謝杰沈應文志六卷非畧卽舛殊難可徵我

朝宅京二百數十年來志尙闕如前尹彭亨勅修志之議尋以巡撫湖北去今通政使周小棠爲尹踵厥議或者難之通政則毅然商之直隸總督李肅毅伯韙之且爲籌費繇是以修志

順天府志序

聞

報可遂於光緒五年十月二十八日開局草創凡例者今兩廣總督張香濤也纂

京師志之城池

宮禁風俗地理志之風俗食貨志之戶口及故事志爲戶科給事中洪右臣人物志則洪興編修廖澤羣內閣鮑印亭分纂之鮑又纂經政志之倉儲其纂地理志之疆域寺觀沿革經政志之礦厰錢法人物志之鄉賢藝文金石二志時則有編修繆小珊其纂河渠志官師志及

京師志之兵制水道地理志之方言經政志之官吏漕運兵制驛傳人物志之選舉表時則有兵部傳懋元食貨志之田賦旗租則傳與吏科給事中劉博泉同纂之劉又纂故事志之兵事纂

京師志之衙署官學倉庫厥局寺觀地理志之山川城池治所冢墓邨鎮邊關食貨志之物產經政志之典禮爲國錄蔡松夫京師志之坊巷纂自編修朱蓉生

壇廟祠祀

苑囿纂自編修陳汝翼關樞纂自兵部潘伯循潘又纂經政志之鹽法學校纂晷度氣候兩表者爲兵部席翰伯庶吉士汪芝房候選部寺司務胡叔藩陳心耕覆纂則以繆君領其事而傅君佐之分門凡十統名以志用華陽國志臨安志例也子目六十有九爲卷百有三十爲頁幾及六千凡三百五十萬言有奇大凡修志者蕭規曹守事半功倍此則創纂也蓋自羣經箋注地理專書正史別史諸子文集與夫圖經志譜公牘訪冊於古若今數十萬卷中探討而出難一修志之弊非轉販卽沿譌此則徵引必注原書異

順天府志序

二

同力求一是難二畿輔五大河涉府竟者四其分合諸水五百有餘自來著述貫串蓋寡今則例綜禹貢體合桑鄆沿流探源脈絡畢見難三志爲史流志有方言又經之小學也有本誼有通段參之古語證以殊音難四如人物如官師文學則所治何經所著何書經濟則所興何利所除何害語語徵實不取空文難五田賦準今金石證古類此誼各有當例取其嚴難六綜此六難都爲一志纂志者之力也實通政與肅毅伯之力也否則幾何不畏難阻歟通政爲尹時百廢具舉志其一也近年與肅毅伯濬薊運諸河十有四築隄一千數百里合土二百數十萬方籌費至三十萬兩有奇美哉績乎秉成方惴惴焉於水利漕運教養兵防數大端懼難爲繼今得數百年未有之志藉鏡得失其厚幸而加勉者當何如也內閣學士兼禮部侍郎銜署順天府府尹沈秉成謹譔

目錄

京師志一

光緒順天府志一

圖

城池

京師志二

光緒順天府志二

宮禁上

京師志三

光緒順天府志三

宮禁下

京師志四

光緒順天府志四

苑囿

京師志五

光緒順天府志五

壇廟

京師志六

光緒順天府志六

祠祀

京師志七

光緒順天府志七

衙署

京師志八

光緒順天府志八

兵制

京師志九

光緒順天府志九

官學

京師志十

光緒順天府志十

倉庫

京師志十一

光緒順天府志十一

關權